



Coimisiún na Scrúduithe Stáit
State Examinations Commission

Scrúdú na hArdteistiméireachta 2021

Tíreolaíocht

Cuid a Dó

Ardleibhéal

Dé hAoine 11 Meitheamh Maidin 9:30 – 12:20

320 marc

Ná tabhair an ceistpháipéar seo ar ais

CUID A DÓ – CEISTEANNA STRUCHTÚRTHA agus AISTE – 240 MARC

Ní mór duit **TRÍ** cheist a fhreagairt. Ní cheadaítear duit gach ceann de na trí cheist a roghnú as an roinn chéanna. Féadfaidh tú dhá cheist a roghnú as an roinn chéanna más mian leat.

- Roinn 1 – **Patrúin agus Próisis sa Chomhshaol Fisiceach** (Ceisteanna 1-3)
- Roinn 2 – **Tíreolaíocht Réigiúnach** (Ceisteanna 4-6)
- Roinn 3 – **Toghaonaid** (Ceisteanna 7-12)
- Roinn 4 – **Roghaonaid** (Ceisteanna 13-24)

Tá na ceisteanna go léir ar cómharc.

FREAGAIR NA CEISTEANNA SEO SA FHREAGARLEABHAR INA BHFUIL CUID A hAON

ROINN 1

PATRÚIN AGUS PRÓISIS SA CHOMHSHAOL FISEACHACH

Ceisteanna 1 go 3

Tá 80 marc ag gabháil le gach ceist.

Ceist 1

1A. Léarscáil na Suirbhéireachta Ordanáis

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo.

Tarraing sracléarscáil leathscála den limistéar a thaispeántar.

Ar an tsracléarscáil sin, taispeáin agus lipéadaigh gach ceann díobh seo a leanas mar is ceart:

- Limistéar iomlán Loch Cuilinn
- Cúrsa Abhainn na Muaidhe idir G 259 024 agus G 269 090
- Cuir **X** ag cumar Abhainn na Muaidhe agus na hAbhann Buí
- An limistéar talún iomlán atá os cionn 200 méadar.

[20m]

1B. Próisis Dromchla

Freagair (i) nó (ii)

- (i) Scrúdaigh an chaoi a dtéann **próiseas an tsil-leagain** i bhfeidhm ar fhoirmiú tírghné abhann **amháin nó** ar fhoirmiú tírghné cósta **amháin nó** ar fhoirmiú tírghné oighrí **amháin** a bhfuil staidéar déanta agat uirthi.

Nó

- (ii) Déan cur síos agus tabhair míniú ar **na tosca a rialaíonn oibriú** próisis ollghluaiseachta **amháin** a bhfuil staidéar déanta agat air.

[30m]


1C. Gníomhaíocht Sheismeach

Mínigh conas is féidir creathanna talún a thuar agus a gcuid iarmhairtí a laghdú.

[30m]

Ceist 2

2A. Tírghnéithe Cósta



Scrúdaigh an fótagraf thuas agus freagair gach ceann de na ceisteanna seo a leanas.

- (i) Ainmnigh gach ceann de na tírghnéithe a foirmíodh mar thoradh ar na próisis chósta ar a bhfuil na lipéid **A**, **B**, **C** agus **D**.
- (ii) Ainmnigh **dhá** phróiseas shonracha de chreimeadh cósta.
- (iii) Mínigh go hachomair cad is brí le *tonnta déanmhasacha*.
- (iv) Mínigh go hachomair cad is brí le *tonn-athraonadh*.

[20m]

2B. Forbairt Tírdhreach

Scrúdaigh an chaoi a gcruthaítear tírdhreacha sainiúla mar thoradh ar chineálacha éagsúla carraigeacha, agus bíodh tagairt agat do shamplaí a bhfuil staidéar déanta agat orthu.

[30m]

2C. Idirghníomhaíocht an Duine le Próisis Dromchla

Bíonn tionchar ag idirghníomhaíocht an duine ar phróisis dromchla.


Scrúdaigh an ráiteas sin agus tú ag tagairt do cheann **amháin** díobh seo a leanas:

- An tionchar a bhíonn ag bearta rialúcháin tuilte ar phróisis abhann
- An tionchar a bhíonn ag bearta cosanta cósta ar phróisis chósta
- An tionchar a bhíonn ag gníomhaíochtaí an duine ar phróisis ollghluaiseachta.

[30m]

Ceist 3

3A. Bolcáin



Scrúdaigh an léarscáil agus an téacs thuas ina dtugtar eolas faoi bholcáin san Indinéis, agus freagair gach ceann de na ceisteanna seo a leanas.

- Ainmnigh an bolcán is gaire do Agung ar oileán Bali.
- Cén treo ina bhfuil an Pláta Astrálach ag gluaiseacht **agus** cén luas (ina mm/in aghaidh na bliana) ata faoi?
- Ainmnigh **dhá** ábhar phireaclastacha a eisteilgtear as bolcán le linn brúchta.
- Céard é an t-ainm atá ar chón bolcánach atá tar éis titim isteach air féin i ndiaidh brúchta?
- Mínigh go hachomair cad is brí le próiseas an *fhodhuchtaithe*.
- Mínigh go hachomair cad is brí le bolcán *suanach*.

[20m]

3B. Coigeartú Abhann

Scrúdaigh an chaoi a n-athraítear an tírdhreach nuair a thagann athrú ar abhainn mar thoradh ar athrú bonnleibhéil, agus bíodh tagairt agat do shampla(i) a bhfuil staidéar déanta agat air (orthu).

[30m]

3C. Bruthcharraig

Mínigh foirmiú **dhá** bhruthcharraig, agus bíodh tagairt agat do shamplaí in Éirinn.

[30m]

ROINN 2

TÍREOLAÍOCHT RÉIGIÚNACH

Ceisteanna 4 go 6

Tá 80 marc ag gabháil le gach ceist.

Ceist 4

4A. Scileanna Léarscáile

Tarraing léarscáil imchrutha de réigiún **Ilchríochach / Fo-ilchríochach** (nach bhfuil san Eoraip) a bhfuil staidéar déanta agat air.

Ar an léarscáil imchrutha sin, taispeáin agus ainmnigh gach ceann díobh seo a leanas:

- Imchruth de ghné ainmnithe rilífe (ar thalamh ard nó ar thalamh íseal)
- Lárionad uirbeach ainmnithe
- Imchruth de réigiún talmhaíochta ainmnithe nó de réigiún tionsclaíochta ainmnithe
- Cúrsa abhann ainmnithe.

[20m]

4B. Gníomhaíocht Gheilleagrach Thánaisteach

Mínigh **dhá** thoisc ar bith a chuaigh i bhfeidhm ar an gcaoi ar forbraíodh gníomhaíocht gheilleagrach thánaisteach i réigiún **in Éirinn** a bhfuil staidéar déanta agat air.

[30m]

4C. An tAontas Eorpach

Mínigh **gach** ceann de na dúshláin seo a leanas atá roimh an Aontas Eorpach:

- Dúshláin shóisialta
- Dúshláin gheilleagracha.

[30m]

Ceist 5

5A. Cúrsaí Iascaireachta san Aontas Eorpach

Líon na nÁrthaí i gCabhlach Iascaireachta an Aontais Eorpaigh,
2008 agus 2017 (tíortha roghnaithe)

Tír	2008	2017	sciar % de chabhlach iascaireachta AE in 2017
An Danmhairg	2,886	2,205	2.7%
An Ísiltír	822	849	1.0%
Éire	2,022	2,022	2.4%
An Ghréig	17,138	14,977	18.1%
An Iodáil	13,613	12,250	14.8%
An Spáinn	11,424	9,147	11.1%
An chuid eile den AE	37,536	41,287	49.9%
Iomlán	85,441	82,737	100%

Curtha in oiriúint ó Eurostat

Scrúdaigh an tábla thuas ina dtaispeántar líon na n-árthaí i gcabhlach iascaireachta an Aontais Eorpaigh (AE) agus i dtíortha roghnaithe in 2008 agus in 2017, agus freagair gach ceann de na ceistanna seo a leanas.

- De réir an tábla thuas, cén tír aonair ina raibh an sciar céatadánach ab airde de chabhlach iascaireachta an AE in 2017?
- De réir an tábla thuas, cén tír aonair inar tháinig méadú ar a cabhlach idir 2008 agus 2017?
- Cérbh é sciar céatadánach na hIodáile de chabhlach iascaireachta an Aontais Eorpaigh in 2008?
- Ainmnigh **dhá** chalafort iascaireachta in Éirinn.
- Mínigh go hachomair **dhá** chúis ar tháinig laghdú ar líon na n-árthaí iascaireachta san AE idir 2008 agus 2017.

[20m]

5B. Gníomhaíocht Gheilleagrach Threasach

Scrúdaigh **dhá** thoisce a raibh tionchar acu ar fhorbairt na turasóireachta i réigiún **Ilchríochach / Fo-ilchríochach** (nach bhfuil san Eoraip) a bhfuil staidéar déanta agat air.

[30m]


5C. Forbairt Uirbeach

Déan plé ar na tosca a raibh tionchar acu ar fhorbairt limistéir uirbigh **amháin** i réigiún **Eorpach** (nach bhfuil in Éirinn) a bhfuil staidéar déanta agat air.

[30m]

Ceist 6

6A. Ioncam Indiúscartha i Réigiúin in Éirinn



Curtha in oiriúint ó www.arcgis.com agus POS

Scrúdaigh an t-eolas thuas agus freagair gach ceann de na ceistanna seo a leanas.

- Cén meánioncam indiúscartha (ina €) a bhí ann i réigiún an Iardheiscirt in 2016 **agus** in 2017?
- Cé mhéad réigiún ina raibh an meánioncam indiúscartha faoi bhun mheán an Stáit in 2016?
- Ríomh an difríocht idir an meánioncam indiúscartha in 2016 agus in 2017 i Lár na Tíre.
- Cén réigiún ina raibh an meánioncam indiúscartha ab ísle in 2016 agus in 2017?
- Mínigh go hachomair cúis **amháin** a raibh an meánioncam indiúscartha ab airde sa Stát i réigiún Bhaile Átha Cliath.
- Mínigh go hachomair modh **amháin** a bhféadfadh infheistíocht i mbonneagar iompair na hÉireann cuidiú leis na difríochtaí ioncaim sna réigiúin a laghdú.

[20m]

6B. Gníomhaíocht Gheilleagrach Phríomhúil – Talmhaíocht

Tabhair míniú ar fhorbairt na talmhaíochta i réigiún san **Eoraip** (nach bhfuil in Éirinn) a bhfuil staidéar déanta agat air, agus bíodh tagairt agat do **dhá** cheann ar bith de na tosca seo a leanas:

- Rilíf
- Aeráid
- Margaí.

[30m]

6C. Dinimic Réigiún – Próisis an Duine

Dinimic Dhaonra	Teanga	Reiligiún
Forbairt Uirbeach		Forbairt Tuaithe

Scrúdaigh an tionchar a bhíonn ag **dhá cheann** ar bith de na tosca sa tábla thuas ar an bhforbairt i réigiún **Ilchríochach** / **Fo-ilchríochach** (nach bhfuil san Eoraip) a bhfuil staidéar déanta agat air.

[30m]

ROINN 3

TOGHAONAID

Ceisteanna 7 go 12

Patrúin agus Próisis i nGníomhaíochtaí Geilleagracha (Ceisteanna 7, 8 agus 9)

Patrúin agus Próisis i gComhshaol an Duine (Ceisteanna 10, 11 agus 12)

Tá 80 marc ag gabháil le gach ceist.

PATRÚIN AGUS PRÓISIS i nGNÍOMHAÍOCHTAÍ GEILLEAGRACHA

Ceisteanna 7 go 9

Ceist 7

7A. Aerfótagraf

Scrúdaigh an t-aerfótagraf de Bhéal Easa a ghabhann leis an bpáipéar seo.

Tarraing sracléarscáil den aerfótagraf, leath an fhaid agus leath an leithid.

Ar an tsracléarscáil sin, taispeáin agus lipéadaigh gach ceann díobh seo a leanas mar is ceart:

- An abhainn
- **Dhá** shráid a bhuaileann le chéile
- Foirgneamh tionsclaíoch
- Limistéar fásaigh sa chúlra ar dheis.

[20m]

7B. Cuideachta Ilnáisiúnta

Scrúdaigh an tionchar a bhí ag **dhá cheann** ar bith díobh seo a leanas ar chuideachta ilnáisiúnta **amháin** a bhfuil staidéar déanta agat uirthi.

- Saolré an táirge
- Straitéisí corparáideacha a théann i bhfeidhm ar oscailt agus ar dhruidim monarchana brainse
- Forbairtí i dteicneolaíocht na faisnéise.

[30m]

7C. Fuinneamh In-Athnuaite


Scrúdaigh an chaoi a bhfuil forbairt ar fhuinnimh in-athnuaite riachtanach don dá rud seo a leanas:

- Comhshaol na hÉireann
- Geilleagar na hÉireann.

[30m]

Ceist 8

8A. Trádáil Idirnáisiúnta



Scrúdaigh an bharrachairt thuas ina dtaispeántar luach na trádála a rinne an tAontas Eorpach (AE) le tíortha roghnaithe in 2018, agus freagair gach ceann de na ceisteanna seo a leanas.

- Cé acu de na tíortha roghnaithe thuas a fuair an luach ab airde d'easpórtálacha ón Aontas Eorpach (AE) in 2018?
- Cé acu de na tíortha roghnaithe thuas ar uaithi a fuair an AE an luach ab ísle d'iompórtálacha in 2018?
- Ríomh luach iomlán na n-iompórtálacha a tugadh isteach san AE in 2018 (ina billiúin €) ó na tíortha sa bharrachairt thuas.
- Ainmnigh tír **amháin** a raibh barrachas trádála ag an AE léi in 2018.
- Ainmnigh tír **amháin** a raibh easnamh sa trádáil ag an AE léi in 2018.
- Mínigh go hachomair míbhuntáiste **amháin** a bhaineann le heasnamh sa trádáil a bheith ag tír.
- Mínigh go hachomair buntáiste **amháin** a bhaineann le líon mór comhpháirtithe easpórtála a bheith ag tír.

[20m]

8B. Coilíneachas

Scrúdaigh na dúshláin a éiríonn as an gcoilíneachas agus atá roimh gheilleagar i mbéal forbartha a bhfuil staidéar déanta agat air.

[30m]

8C. Suíomh na Gníomhaíochta Geilleagraí

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo, agus freagair gach ceann de na ceistanna seo a leanas.

- (i) Mínigh **dhá** chúis a roghnódh cuideachta ilnáisiúnta lonnú sa limistéar ar an léarscáil. Úsáid fianaise as léarscáil na Suirbhéireachta Ordanáis mar thaca le gach cúis díobh.
- (ii) Ag úsáid fianaise ó léarscáil na Suirbhéireachta Ordanáis, mínigh cúis **amháin** a roghnódh cuideachta ilnáisiúnta gan lonnú sa limistéar sin.

[30m]

Ceist 9

9A. Gníomhaíocht Gheilleagrach

Miondealú ar Chóiríocht do Thurasóirí
in Éirinn in 2019 (%)

An Cineál Cóiríochta	An Céatadán Turasóirí
Cairde/gaolta	25
Óstáin	21
Féin-Fhreastail	21
Tithe Aíochta/L&B	8
Brúnna	4
Eile	21

Curtha in oiriúint ó Fáilte Ireland

Scrúdaigh na sonraí thuas ina dtaispeántar an miondealú ar chóiríocht do thurasóirí in Éirinn in 2019, agus freagair gach ceann de na ceistanna seo a leanas.

- (i) Agus grafpháipéar á úsáid agat, tarraing graf oiriúnach chun na sonraí sin a léiriú.
- (ii) Mínigh go hachomair fáth **amháin** a mbíonn tóir ag turasóirí ar Éirinn mar cheann scríbe.

[20m]

9B. Beartas an Aontais Eorpaigh

Scrúdaigh an tionchar a bhíonn ag beartas an Aontais Eorpaigh ar an bhforbairt ar ghníomhaíocht gheilleagrach phríomhúil in Éirinn.

[30m]

9C. Coimhlint Leasa

Scrúdaigh conas a d'fhéadfadh coimhlint teacht chun cinn idir saothrú acmhainní nádúrtha agus an gá atá ann an comhshaol a chosaint, agus bíodh tagairt agat do shampla(i) a bhfuil staidéar déanta agat air (orthu).

[30m]

PATRÚIN AGUS PRÓISIS i gCOMHSHAOL AN DUINE

Ceisteanna 10 go 12

Ceist 10

10A. Aerfótagraf

Scrúdaigh an t-aerfótagraf de Bhéal Easa a ghabhann leis an bpáipéar seo.

Tarraing sracléarscáil den aerfótagraf, leath an fhaid agus leath an leithid.

Ar an tsracléarscáil sin, taispeáin agus lipéadaigh gach ceann díobh seo a leanas mar is ceart:

- An abhainn
- Páirc spóirt sa chúlra ar dheis
- Eaglais
- Carrchlós eas-sráide.

[20m]

10B. Dinimic Dhaonra

Scrúdaigh an tslí a dtéann athrú ar na rátaí torthúlachta agus ar na rátaí básmhaiseachta i bhfeidhm ar struchtúr an daonra, agus bíodh tagairt agat do shampla(i) a bhfuil staidéar déanta agat air (orthu).

[30m]

10C. Imirce


Agus tagairt agat do réigiún forbartha a bhfuil staidéar déanta agat air, mínigh an tionchar a bhíonn ag imirce ar gach ceann díobh seo a leanas:

- Limistéir thuaithe
- Limistéir uirbeacha.

[30m]

Ceist 11

11A. Athrú Daonra in Éirinn



Curtha in oiriúint ó POS

Scrúdaigh an graf thuas ina dtaispeántar comhchodanna den athrú daonra in Éirinn do gach tréimhse idir-dhaonáirimh idir 1981 agus 2016, agus freagair gach ceann de na ceisteanna seo a leanas.

- Abair cé acu atá an ráiteas seo a leanas fíor nó bréagach:
I rith thréimhse idir-dhaonáirimh 2002-2006, tháinig méadú os cionn 50,000 duine ar an daonra.
- Cé acu méadú nádúrtha nó imirce ghlan ba phríomhchúis leis an bhfás a tháinig ar an daonra i rith thréimhse idir-dhaonáirimh 2011-2016?
- Cén tréimhse idir-dhaonáirimh ar tháinig laghdú ar an daonra lena linn?
- Liostaigh **dhá** thréimhse idir-dhaonáirimh arb airde an eisimirce ná an inimirce lena linn.
- Cén tréimhse idir-dhaonáirimh ar tharla an méadú nádúrtha ab ísle lena linn?
- Mínigh go hachomair an téarma *athrú nádúrtha*.
- Mínigh go hachomair fáth **amháin** a dtagann laghdú ar rátaí beireatais.

[20m]

11B. Fadhbanna Uirbeacha – Cathair sa Domhan atá i mBéal Forbartha

Déan plé ar an gcaoi ar féidir leis an dá fhadhb seo a leanas teacht chun cinn mar thoradh ar fhás lárionad uirbeach, agus bíodh tagairt agat do shampla(i) de chathair amháin nó níos mó sa domhan i mbéal forbartha a bhfuil staidéar déanta agat uirthi (orthu):

- Plódú tráchta
- Sraoilleáil uirbeach.

[30m]

11C. Lonnaíocht Uirbeach

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo.

Mínigh trí chúis ar fhorbair baile Béal Easa sa suíomh ina bhfuil sé inniu. Úsáid fianaise as léarscáil na Suirbhéireachta Ordanáis mar thaca le gach cúis díobh.

[30m]

Ceist 12

12A. Dinimic Dhaonra

Dlús an Daonra in Éirinn i mBlianta Roghnaithe

Bliain	Dlús an Daonra (Líon daoine in aghaidh km ²)
1970	42
1980	49
1990	51
2000	55
2010	66
2020	72

Curtha in oiriúint ó POS

Scrúdaigh na sonraí thuas ina dtaispeántar dlús an daonra in Éirinn i mblianta roghnaithe, agus freagair gach ceann de na ceisteanna seo a leanas.

- (i) Agus grafpháipéar á úsáid agat, tarraing graf oiriúnach chun na sonraí sin a léiriú.
- (ii) Mínigh go hachomair fáth **amháin** a bhfuil ardú ag teacht ar dhlús an daonra in Éirinn.

[20m]

12B. Talamhúsáid uirbeach

Déan cur síos agus tabhair míniú ar na criosanna talamhúsáide in aon chathair a bhfuil staidéar déanta agat uirthi.

[30m]

12C. Ródhaonra

Scrúdaigh **dhá** chúis atá le ródhaonra, agus bíodh tagairt agat do shampla(i) a bhfuil staidéar déanta agat air (orthu).

[30m]

ROINN 4

ROGHAONAIÐ

Ceisteanna 13 go 24

Tá 80 marc ag gabháil le gach ceist.

Nóta: Is fearr **trí** ghné nó **ceithre** ghné den téama a phlé go mion, in ionad plé ginearálta a dhéanamh ar líon mór pointí.

Idirspheáchas Domhanda

Nóta: Is fearr **trí** ghné nó **ceithre** ghné den téama a phlé go mion, in ionad plé ginearálta a dhéanamh ar líon mór pointí.

13. Mairimid i ngeilleagar idirspheách domhanda. Bíonn tionchar ag gníomhartha nó ag cinntí a dhéantar i gceantar amháin ar cheantair eile.

Déan plé ar an ráiteas sin agus tagairt agat don fhairsingiú fásaigh **agus** don dífhoraioisiú.

[80m]

14. Is samhail don fhorbairt dhaonna agus gheilleagrach sa todhchaí í an inbhuanaitheacht.

Déan plé ar an ráiteas sin agus tagairt agat do **thrí cinn** díobh seo a leanas:

- Úsáid acmhainní
- Trádáil chóir
- Ceisteanna ceartais
- Féintuilleamaí.

[80m]

15. Tagann athruithe ar thuairimí daoine maidir le forbairt agus tearcfhorbairt. Pléigh é sin.

[80m]

Geo-éiceolaíocht

Nóta: Is fearr **trí** ghné nó **ceithre** ghné den téama a phlé go mion, in ionad plé ginearálta a dhéanamh ar líon mór pointí.

16. Tá patrúin éagsúla ithreacha tagtha chun cinn mar thoradh ar ghníomhaíocht na bpróiseas difriúil foirmithe ithreacha.

Pléigh é sin.

[80m]

17. Déan plé ar an tionchar a bhíonn ag **trí** cinn ar bith de na tosca seo a leanas ar fhorbairt ithreacha:

- Ábhar mianrach
- Aer
- Uisce
- Ábhar orgánach.

[80m]

18. Scrúdaigh an chaoi a dtéann gach ceann de na gníomhaíochtaí seo a leanas i bhfeidhm ar bhithóim:

- Leagan na bhforaoiseacha trópaiceacha báistí
- Dianchleachtais talmhaíochta
- Forbairt na tionsclaíochta.

[80m]

Cultúr agus Ionannas

Nóta: Is fearr **trí** ghné nó **ceithre** ghné den téama a phlé go mion, in ionad plé ginearálta a dhéanamh ar líon mór pointí.

19. Scrúdaigh conas is féidir le coimhlínt teacht chun cinn idir struchtúir pholaitiúla agus grúpaí cultúir. [80m]
20. Scrúdaigh an tábhacht a bhaineann le teanga mar tháscaire cultúir. [80m]
21. Scrúdaigh an tslí a gcuireann daoine a gcultúr agus a n-ionannas in iúl sa saol laethúil, agus bíodh tagairt agat do shamplaí in Éirinn a bhfuil staidéar déanta agat orthu. [80m]

Comhshaol an Atmaisféir agus nAigéan

Nóta: Is fearr **trí** ghné nó **ceithre** ghné den téama a phlé go mion, in ionad plé ginearálta a dhéanamh ar líon mór pointí.

22. Scrúdaigh an dáileadh míchothrom teochta a bhíonn ann thar dhromchla an domhain. [80m]
23. Thar dhromchla an domhain, téann malartuithe uisce idir aigéin agus an t-atmaisféar i bhfeidhm ar an bhfrasaíocht agus ar phatrúin a dailte. Pléigh é sin. [80m]
24. Déan cur síos agus tabhair míniú ar na tréithe a bhaineann le cineál **amháin** aeráide domhanda a bhfuil staidéar déanta agat uirthi. [80m]

Ná tabhair an ceistpháipéar seo ar ais

Ná tabhair an ceistpháipéar seo ar ais

Ná tabhair an ceistpháipéar seo ar ais

Fógra cóipchirt

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt ina leith, agus d'fhéadfadh sé gur athchóiríodh iad, chun críche measúnaithe, gan cead na n-údar a fháil roimh ré. Ullmhaíodh an scrúdpháipéar seo de réir *Alt 53(5) den Acht um Chóipcheart agus Cearta Gaolmhara, (2000)*. Ní údaraítear aon úsáid dá éis chun aon chríoch ach amháin chun na críche dá bhfuil sé beartaithe. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh nó úsáid neamhúdaraíthe an scrúdpháipéir seo.

Scrúdú na hArdteistiméireachta – Ardleibhéal

Tíreolaíocht Cuid a Dó

Dé hAoine 11 Meitheamh
Maidin 9:30 – 12:20